



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

**RAPORTI I EKSPERTIT SHQYRTUES**

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
<b>Majlinda Bedrolli</b>	<b>26.10.2023</b>	<b>09.11.2023</b>	<b>2023/0797</b>

**BAZA LIGJORE E SHQYRTIMIT**

Me datën: 16.10.2023, OE " SFISHTA AUTO HOME " SH.P.K."- Prishtinë, ka parashtruar ankesë me nr: 2023/0797, kundër njoftimit për dhënie të kontratës ku është rekomanduar për kontratë OE "Gani B.Krasniqi B.I," lidhur me aktivitetin e prokurimit: "Servisimi dhe mirembajtja e automjeteve Peugeot Partner dhe Bipper,veturave Kia Sportage dhe veturave VW Caddy Smart" me nr. të prokurimit: "vetak-23-8336-2-2-1", iniciuar nga Autoriteti Kontraktues (AK) – POSTA E KOSOVËS SH.A. Autoriteti kontraktues ka zbatuar procedurë të hapur, lloji i kontratëskontrata publike kornizë-shërbim, vlera e parashikuar e kontratës: 35,000.00 €.Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

**DISPOZITAT E SHKELURA DHE PRETENDIMET ANKIMORE**

--

<p>Neni 1 Qëllimi</p> <p>Neni 6 Ekonomiciteti dhe Efikasiteti</p> <p>Neni 7 Barazia në Trajtim/ Jo- Diskriminimi</p> <p>Neni 24 Zyrtarët e Prokurimit gjatë Ushtrimit të aktiviteteve të prokurimit</p> <p>Neni 27 Dosja e Tenderit</p> <p>Neni 51 Njoftimi i Kritereve të Përzgjedhjes</p> <p>Neni 52 Njoftimi i kritereve për dhënien e kontratës</p> <p>Neni 53 Sigurimi i informatave shtesë për kandidatët dhe tenderuesit</p> <p>Neni 59 Ekzaminimi, Vlerësimi dhe Krahاسimi i Tenderëve</p> <p>Neni 108/A – Zgjidhja preliminare e mosmarreveshjeve</p> <p><b>Neni 97 i RRPP-se 001/2023</b></p>
---

Te nderuar,

Operatori Ekonomik "Sfishta Autohome" shpk – Prishtine, pjesëmarrës ne procedurën e prokurimit me titull: "Servilizmi dhe mirëmbajtja e automjeteve Peugeot Partner dhe Nipper, veturave Kia Sportage dhe VW Caddy Smart", me nr prokurimi: 23-8336-2-2-1, te iniciuar nga AK – Posta e Kosovës sha, me datën 04.10.2023, ka pranuar njoftimin mbi rezultatin e aktivitetit te prokurimit, ku ne te njëjtin njoftim përshkruhet se kompania jone është shpërblyer me kontrate, ndërsa ne letër standarde potencohet se ne si kompani jemi eliminuar me arsyetimin se:

*Në dosjen e tenderit përkatësisht te aneksi I është paraparë :*

*Ne rubrikat e çmimit për njësi te pjesët qe nuk janë te automjeti benzinë ose dizel te*

3/7

*shënohet fjalia "nuk e ka këtë pjesë".*

*OE për secilin pozicion ka dhënë çmime edhe për ato njësi që nuk e kanë atë lloji pjese si :*

*Te tabela një (-I) pozicioni me nr. 3, -33,-44*

*Te tabela dy (-II-) pozicioni me nr.10.*

*Te tabela tre (-II-) pozicioni me nr.2,-5,-11.*

*Komisioni i vlerësimit ka vërejtur se disa OE për këto pozicione kanë dhënë çmime disa kanë shkruar se nuk e ka këtë pjesë (NA) ,pas kësaj situate Komisioni i vlerësimit ka dal në teren në disa servise që merren me servisimin e automjeteve dhe ka konstatuar se veturat e AK nuk i posedojn pjesët specifikuar në :*

*Te tabela një (-I) pozicioni me nr. 3, -33,-44*

*Te tabela dy (-II-) pozicioni me nr.10.*

*Te tabela tre (-II-) pozicioni me nr.2,-5,-11.*

Ne afatin e parapare me nenin 108/A, te LPP-se kemi paraqitur kundërshtimet tona dhe shkeljet ligjore te konsumuara nga AK – Posta e Kosovës sha, përkatësisht komisioni i vlerësimit te ofertave. AK – Posta e Kosoves, aprovon kerkesen tone si pjesërisht te bazuar, megjithatë le ne fuqi vendimin per dhenje te kontrates, rrjedhimisht ne kuptim te nenit 109, te LPP-se parashtrojme kete anekese:

**Pretendimet ankimore:**

Për këtë procedurë të prokurimit, neve si kompani sipas raportit të vlerësimit të ofertave jemi rekomanduar për dhënie të kontratës, rrjedhimisht AK- Posta e Kosovës sha, me datën 20.09.2023, përmes letrës standarde ka kërkuar që ti paraqesim dëshmitë lidhur me kërkesat e përshtatshmërisë profesionale, vërtetimin e ATK-se, Vërtetimin e Gjykatës kompetente dhe sigurimin e tenderit – Original. Kompania jone të njëjtat dëshmi i ka paraqitur dhe i ka prezantuar në zyrën e prokurimit të Autoritetit kontraktues së bashku me identifikimin financiar.

- **Prove** kërkesa për dëshmitë e përshtatshmërisë si dhe dëshmitë e ngarkuara i gjeni në e-prokurim.

Për kundër këtij fakti dhe përkundër skadimit të afatit ligjor AK – Posta e Kosovës, me datën 04.10.2023, kompaninë tone tentoni ta eliminoni nga kjo procedurë e prokurimit me arsyetim absurd, pse ne si kompani kemi ofruar çmim për secilin pozicion!

- **PROVE** – Letra standarde - kërkesa për dorëzim të dokumenteve të përshtatshmërisë profesionale dhe ofrimi i tyre.

Në dosje të tenderit tek aneksi 1, AK – Posta e Kosovës, ka përshkruar vërejtjen si më poshtë:

**Vërejtjeje-sqarim:**

*Konform nenit 56 përkatësisht nenit 56.15 të RRUOPP-së , edhe pse kjo kontratë është kontratë kornizë në këtë rast nuk vlen pragu apo tavan + - 30%, dhe me rastin e*

4/7

*shpenzimit të vlerës së parashikuar kjo kontratë ndërpritet pa marrë parasysh datën e lidhjes së kontratës.*

Pra arsyetimi i eliminimit të kompanisë sonë me arsyetimin e dhënë në letër standarde, përveç se shkele parimet bazike të prokurimit publik , që kanë të bëjnë me mos favorizim – diskriminim, ekonomicitet dhe ruajtje të parës publike, veprimet e AK-se, bien ndesh dhe me përcaktimin se produktet e përshkruara në paramane dhe parallogaris apo për sasi të nuk vlen pragu apo tavan + - 30 %



Ceshtja e çmimeve është e përcaktuar në nenin 17, që nga paragrafi 1 deri 12, të Rregullores për prokurim publik 001/2023, parashihen obligimet e AK-se dhe OE-se.

Paragrafi 2, parashihet strukturën e dosjes së tenderit përbëhet nga tri pjesë:

Pjesa A – Procedura e tenderimit

Pjesa B – Draft Kontrata

Pjesa C – Formulari i Tenderit

Konkretisht paragrafi 12 përcakton:

*"Në dosjen e tenderit AK do të deklaron të gjitha informatat relevante për kontratën në fjalë që OE-të të interesuar duhet të dinë për përgatitjen e tenderëve pa kërkuar informata shtesë. Informata të tilla do të përfshijnë të gjitha specifikimet, kërkesat, kriteret, afatet kohore, metodologjitë, kushtet e kontratës, vizitat në lokacion ose takime para-tenderuese etj. të lidhura me procedurat e dhënies së kontratës. Çdo fjali në dosjen e tenderit do të përpilohet mirë, pasi që dosja e tenderit është materiali themelor, në bazë të cilit Operatorët ekonomik do të krijojnë tenderët e tyre. Dosja e tenderit do të përgatitet në mënyrë të tillë, që – si rregull parimor – të mos ketë nevojë për informata sqaruese shtesë. Veçanërisht, autoriteti kontraktues duhet të ketë parasyshë, kur përgatitet dosja e tenderit, që mos të ketë komunikime, diskutime ose negocime në mes të autoritetit kontraktues dhe tenderuesve....".*

Arsyetimi tjetër se "Komisioni i vlerësimit ka vërejtur se disa OE për këto pozicione kanë dhënë çmime disa kanë shkruar se nuk e ka këtë pjesë (NA) ,pas kësaj situate Komisioni i vlerësimit ka dal në teren në disa servise që merren me servisimin e automjeteve dhe ka konstatuar se veturat e AK nuk i posedojnë pjesët specifikuar në disa pozicione".

Kjo qeshje ka qene dashur te trajtohet apo edhe te dilet ne teren para publikimit te njoftimit për kontrate dhe para krijimit te listës – pozicioneve te paramases.

Qeshja e pozicioneve që nuk ekzistojnë OE te nuk mund te mos japin përshkrim apo te përshkruaj NA. Kjo metode e tentimit te eliminimit te një oferte nuk ka ndodhur asnjëherë ne histori te Prokurimit Publik, madje vet AK Posta e Kosovës, përmes procedurave tjera te prokurimit ka eliminuar oferta ne te cilat nuk është ofruar çmim, madje edhe ne rastet kur është ofruar çmimi për njësi por jo edhe totali për sasi.

Këto shkelje të ligjit të parimeve dhe tentimin për keqpërdorim të parës publike OSHP, do duhej të raportonte edhe në KRPP dhe të ndërmerrej masa ligjore ndaj zyrtarit përgjegjës të prokurimit, siç përcaktohet me nenin 25, par 8 të LPP-se.

Kontrata është kornizë ka të bëjë me mirëmbajtje të automjeteve dhe se tek specifikacionet teknike AK, ka përcaktuar që pozicionet dhe sasia do të konsumohet varësisht nga kërkesa dhe nevoja e AK-se, por askund nuk ka përcaktuar që OE-te për pozicione të caktuara të mos japin çmimi. Përkundrazi pjesa C formulari i dorëzimit të tenderit dhe paramana janë pjesët kryesore të procedurës së prokurimit.

Nuk ekziston si pozicion, nuk konsumohet.

Kjo qeshje është e përcaktuar nga vet ju si AK tek aneksi 1 i dosjes së tenderit, kemi të bëjmë me kontratë kornizë me çmim për njësi ku nuk dihet konsumi apo edhe pozicioni por ligjërisht ofertuesit janë të obliguar ta plotësojnë çdo pozicion të paramasës dhe parallogarise, meqë ekziston përshkrimi i produktit dhe çmimi për njësi.

- Shiko nenin 59 të LPP-se, çmimi për njësi është mbizotërues.

Për më tepër AK – Posta e Kosovës sha, me letrën standarde dhe me arsyetimin e eliminimit ka shkelur edhe nenin 52.3 dhe 56.3. të LPP-se, dhe ka tejkaluar kërkesat e përcaktuara në dosje të tenderit dhe njoftimit për kontratë.

- Neni 56.3 përcakton:

*"Tenderuesi, gjatë procedurave të hapura, ose kandidati, gjatë procedurave të kufizuara dhe procedurave konkurruese me negociatë, nuk do të diskualifikohet ose përjashtohet nga procedurat e tilla në baza të ndonjë kërkesë ose kriteri që nuk është i cekur në njoftimin e kontratës dhe në dosjen e tenderit".*

- PROVE – Paramasa dhe parallogaris e krijuar nga ju si AK si dhe ofertat e OE tjerë.

AK – Posta e Kosovës dhe zyra e prokurimit të sajë çuditërisht shkeljet ligjore dhe ofertat e pa përgjegjshme i kualifikojnë si të përgjegjshme madje edhe i rekomandojnë për dhënie të kontratës duke dëmtuar edhe buxhetin e vet AK-se, ndërsa ofertën tone e klasifikojnë si oferte të pa përgjegjshme.

Te gjitha këto prova dhe shkresa të prezantuara si me lartë argumentojnë se ju si AK – Posta e Kosovës, keni konsumuar shkelje ligjore keni shkelur parimet e prokurimit publik dhe këto veprime – mosveprime janë të sanksionuara me nenin 97, të Rregullores për Prokurim publik, nr 001/2023, rrjedhimisht kërkojmë që paneli shqyrtues të nxjerri këtë:

#### V E N D I M

**Te aprovohet ankesa jone ne tërësi si e bazuar  
Te kthehet lënda ne ri vlerësim**

Si përfundim kërkohet që eksperti shqyrtues i autorizuar të ketë parasysh gjendjen faktike dispozitat ligjore dhe në kuptim të nenit 113 të LPP-se, të trajtoj pretendimet tona ankimore në atë mënyrë që paneli shqyrtues përmes vendimit përveç që ta obligoi AK-në që të korrigjoj shkeljet ligjore të njoftoi edhe KRPP-se, lidhur me favorizimin, diskriminimin që është aplikuar në këtë procedurë të prokurimit të argumentuar si më lartë.

Në të kundërtën nëse kompani jemi të detyruar që realizimin e të drejtave të garantuara me ligje dhe shkeljet e konfirmuara me dispozita ligjore së bashku me prova shkresore të raportojmë në OSHP, KRPP e gjetiu.

## KRITERET PËR VLERËSIM

### Aneksi 1. SPECIFIKIMET TEKNIKE TË DETYRUESHME

**Sqarim:**

1.Në çmimin për njësi duhet të parashihet edhe çmimi për orë/punë (furnizimi, çmontimi, montim, riparimi etj).

2.Pozicionin “ Punë dore për riparime mekanike dhe elektrike” me këtë pozicion nënkuptojmë që vetëm pjesët mekanike dhe elektrike të cilat riparohen dhe nuk ndërrohen

Ndërsa për pjesët të cilat ndërrohen çmimi për punë dore duhet të llogaritet në njësi

3.Operatori ekonomik është i obliguar që në rastin e pranim të automjetit të bëjë diagnostifikimin dhe të paraqes raport se çka duhet me interveni. Diagnostifikimin e defektit OE duhet ta bëjë pa çmim shtesë

4.Në rubrikat e çmimit për njësi të pjesët që nuk janë të automjetit benzinë ose dizel të shënohet fjalia “nuk e ka këtë pjesë”.

### Përshkrim i çmimeve-paramasa

Servisimi dhe mirembajtja e automjeteve Peugeot Partner,Bipper,veturave Kia Sportage dhe veturave VW Caddy Smart me numër të prokurimit:vetak-23-8336-221 dhe numër të brendshëm:PK-23-48-221												
Tabela - I - Niveli I - Vlera 70%												
Nr	Përshkrimi	Njesia	Sasia	Peugeot Partner 1.6 viti i prodhimit 2013 (çmimi x 70%)		Peugeot Bipper 1.4 viti i prodhimit 2013 (çmimi x 70%)		KIA Sportage 2.0 viti i prodhimit 2013 (çmimi x 70%)		VW Caddy 1968cm3 viti i prodhimit 2005		Smart 599cm3 i vitit të prodhimit 2002
	Emertimi i Pjesës			Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar	Çmimi për njësi me TVSH
1	Vaj motori (sipas rekomandimit të prodhuesit)	Liter	1		-		-		-		-	-
2	Filter Vaj	coe	1		-		-		-		-	-

## RAPORTI I KOMISIONI VLERËSUES

Raporti i ekspertit shqyrtues, lidhur me ankesën e parashtruar nga OE “**" SFISHTA AUTO HOME " SH.P.K.**”, lidhur me aktivitetin e prokurimit “**Servisimi dhe mirembajtja e automjeteve Peugeot Partner dhe Bipper, veturave Kia Sportage dhe veturave VW Caddy Smart**” me numër të prokurimit: “**vetak-23-8336-2-2-1**”, të iniciuar nga Autoriteti Kontraktues (AK) – **POSTA E KOSOVËS SH.A**

#### IDENTIFIKIMI I TENDERUESVE TË REKOMANDUAR PËR DHËNIE TË KONTRATËS

Nr:	Grupi:		
1	Servisimi dhe mirembajtja e automjeteve Peugeot Partner dhe Bipper, veturave Kia Sportage dhe veturave VW Caddy Smart		
	Emri i tenderuesit të suksesshëm	Kodi postar	Adresa
	Gani B. Krasniqi B.I., 810326307	12000	MIRADI E ULËT

#### DEKLARATË

**të deklarohe komisioni vlerësues mbi arsyet që e mbështesin këtë rekomandim**

Komisioni i vlerësimit konstaton se OE Gani B Krasniqi i ka plotësuar të gjitha kriteret e parapara me NJK dhe DT. dhe ka ofertuar me çmim ma të lirë nga te gjithë ofertesit e pergjegjeshëm , me ofertë financiare të poentuar 15,709.75€ andaj komisioni i rekomandon drejtorisë së prokurimit që ta shperblej me kontratë .

#### INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

#### VLERËSIMI SIPAS NENIT 4.1.26 TË LPP

#### VENDIMET E MËPARSHME TË OSHP LIDHUR ME RASTET E NGJASHME

#### ARSYETIMI PËR DEVIJIM NGA PRAKTIKA E MËPARSHME

#### PËRGJIGJE NË PRETENDIMET ANKIMORE TË OE ANKUES - " SFISHTA AUTO HOME " SH.P.K.

Autoriteti Kontraktues – Posta e Kosovës SH.A gjatë këtij aktiviteti të prokurimit ka zbatuar procedurë të hapur, lloji i kontratëskontrata publike kornizë-shërbim. Vlera e parashikuar e kontratës 35,000.00 €. Kriteret e Dhënies së kontratës Tenderi i përgjegjshëm me **Çmimin më të ulët**.

Pretendimet ankimore kanë të bëjnë kundër B42 Letër standarde për tenderuesin e eliminuar të datës 04.10.2023. Pas administrimit dhe shqyrtimit të shkresave të lëndës, kundrejt pretendimeve ankimore të OE ankues “**Sfishta AutoHome**” sh.p.k, sqarojmë se operatori



ekonomik ankues pretendon se AK ka vepruar në kundërshtim me nenin 1, 6, 7, 24, 27, 51, 52, 53, 59 dhe 108/A të LPP-së, si dhe nenin 97 të Rregullores nr.001/2023 për Prokurim Publik-RRPP.

**Ekspertja shqyrtuese** bazuar në shkresat e lëndës fillimisht sqaron se AK përmes kërkesës për sqarim të datës 20.09.2023 ka kërkuar nga OE ankues **"Sfishta AutoHome" sh.p.k** që ti dorëzoj /kompletoj dokumentet si kërkesat e përshtatshmërisë, vërtetimin nga Administrata Tatimore, vërtetimin e Gjykatës dhe Sigurimin e tenderit-origjinal. Po ashtu, në këtë shkresë ceket se këto dokumente janë obligative të dorëzohen nga tenderuesi i cili do të **shpërblehet me kontratë, dokumentet dorëzohen pranë AK-së para njoftimit mbi vendimin e AK-së.** OE ankues me të njëjtën datë ju ka përgjigj kërkesës së AK-së duke i ka bashkëngjijt në platformën e-prokurimit dokumentet e kërkuara.

Lidhur me pretendimin e OE ankues se sipas raportit të vlerësimi të ofertave jemi rekomanduar për kontratë dhe AK me datën 20.09.2023, përmes letrës standarde ka kërkuar që ti paraqesim dëshmitë lidhur me kërkesat e përshtatshmërisë profesionale, ju kemi përgjigjur kërkesës së AK-së. Tutje, OE ankues shton se për kundër faktit dhe skadimit të afatit ligjor, AK me datën 04.10.2023, kompaninë e tyre tenton ta eliminon me arsyetim absurd pse ne si kompani kemi ofruar çmime për secilin pozicion! OE ankues është eliminuar me arsyetimin sipas Letrës standarde për tenderuesin e eliminuar si në vijim:

*Ju jeni diskualifikuar për këto arsye:*

*Në dosjen e tenderit përkatësisht te Aneksi I është paraparë:*

*Ne rubrikat e çmimit për njësi të pjesët që nuk janë të automjeti benzinë ose dizel të shënohet fjalia **"nuk e ka këtë pjesë"**.*

*OE për secilin pozicion ka dhënë çmime edhe për ato njësi që nuk e kanë atë lloji pjese si:*

*Te tabela një (-I) pozicioni me nr.3,-33,-44*

*Te tabela dy (-II-) pozicioni me nr.10*

*Te tabela tre (-II-) pozicioni me nr.2,-5,-11*

*Komisioni i vlerësimit ka vërejtur se disa OE për këto pozicione kanë dhënë çmime disa kanë shkruar se nuk e ka këtë pjesë (NA), pasi kësaj situate Komisioni i vlerësimit ka dal në teren në disa servise që merren me servisimin e automjeteve dhe ka konstatuar se veturat e AK nuk i posedojnë pjesët specifike në:*

*Te tabela një (-I) pozicioni me nr.3,-33,-44*

*Te tabela dy (-II-) pozicioni me nr.10*

*Te tabela tre (-II-) pozicioni me nr.2,-5,-11*

*Andaj komisioni konstaton se oferta e juaj është në kundërshtim me kushtet e dosjes së tenderit.*

Kundër njoftimit B58 Njoftim mbi vendimin e Autoritetit Kontraktues dhe arsyetimit të eliminimit, OE ankues paraqet kërkesë për rishqyrtim. AK me datë 10.10.2023 nëpërmjet vendimit aprovon si pjesërisht të bazuar kërkesën për rishqyrtim dhe len në fuqi njoftimin mbi vendimin e Autoritetit Kontraktues-Posta e Kosovës sh.a.

OE ankues potencon se në dosjen e tenderit tek Aneksi 1, AK-ka përshkruar vërejtjen si me poshtë: Vërejtje-sqarim: Konform nenit 56 përkatësisht nenit 56.15 të RRUOPP-së, edhe pse kjo kontratë është kontratë kornizë në këtë rast nuk vlen pragu apo tavani +/- 30%, dhe me rastin e shpenzimit të vlerës së parashikuar kjo kontratë ndërpritet pa marrë parasysh datën e lidhjes së kontratës. Me tej, OE ankues shton se arsyetimi i eliminimit të tyre me arsyetimin e dhënë në letrën standarde, përveç se shkelin parimet bazike të prokurimit publik që kanë të bëjnë me mos favorizim, diskriminim, ekonomicitet dhe ruajtje të parasë publike, veprimet e AK-së bien ndesh edhe me përcaktimin se produktet e përshkruara në paramasë dhe parallogari apo për sasi të nuk vlen pragu apo tavani +/-30%.

**Ekspertja shqyrtuese** pas shqyrtimit të pretendimit ankimor, shqyrtimit të Aneksit 1 të dosjes së tenderit, ofertës financiare të OE ankues, arsyetimin e eliminimit të OE ankues dhe ofertat tjera pjesëmarrëse në këtë aktivitet të prokurimit, **vlerëson** se AK me rastin e hartimit të dosjes së tenderit, përkatësisht në Aneks 1, në faqe.23, pika 4 ka dhënë këtë sqarim:

## Provë: Shkëputur nga Aneksi 1

### Sqarim:

1.Në çmimin për njësi duhet të parashihet edhe çmimi për orë/pune (furnizimi, çmontimi, montim, riparimi etj).

2.Pozicionin “ Pune dore për riparime mekanike dhe elektrike” me këtë pozicion nenkuptojmë që vetëm pjesët mekanike dhe elektrike të cilat riparohen dhe nuk ndërrohen

Ndërsa për pjesët të cilat ndërrohen çmimi për pune dore duhet të llogaritet në njësi.

3.Operatori ekonomik është i obliguar që në rastin e pranimin të automjetit të bëjë diagnostifikimin dhe të paraqes raport se çka duhet me intervenu. Diagnostifikimin e defektit OE duhet ta bëjë pa çmim shtesë

4.Në rubrikat e çmimit për njësi të pjesët që nuk janë të automjetit benzinë ose dizel të shënohet fjalia “nuk e ka këtë pjesë”.

Kurse, në paramasën të cilën e ka përpiluar AK, është përpiluar lista e njëjtë për të gjitha grupet e veturave të cilat do të servisohen edhe pse në këtë listë (paramasë) ka pozicione (artikuj/produkte) të cilat nuk gjejnë aplikim për veturën respektive/përkatëse.

## Provë: Shkëputur nga Përshkrimi i çmimeve-paramasa

Servisimi dhe mirembajtja e automjeteve Peugeot Partner,Bipper,veturave Kia Sportage dhe veturave VW Caddy Smart me numer te prokurimit:vetak-23-8336-221 dhe numer te brendshem:PK-23-48-221													
Tabela - I - Niveli i - Vlera 70%													
Nr	Pershkrimi	Njesia	Sasia	Peugeot Partner 1.6 viti i prodhimit 2013 (çmimi x 70%)		Peugeot Bipper 1.4 viti i prodhimit 2013 (çmimi x 70%)		Kia Sportage 2.0 viti i prodhimit 2013 (çmimi x 70%)		VW Caddy 196cm3 viti i prodhimit 2005		Smart 599cm3 i vitit të prodhimit 2002	
				Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar	Çmimi për njësi me TVSH	Çmimi i peshuar
1	Vaj motori (sipas rekomandimit të prodhuesit)	Liter	1		-		-		-		-		-
2	Filter Vaji	cope	1		-		-		-		-		-

Po ashtu, ekspertja shqyrtuese sqaron se në paramasë tek përshkrimi i çmimeve, AK nuk e ka veçuar se cilat automjete janë me djegie benzinë ose dizel dhe kjo ka shkaktuar paqartësi tek operatorët ekonomik pjesëmarrës gjatë përgatitjes së listës së çmimeve të dhëna në paramasë, pasi që për këtë aktivitet të prokurimit gjithsej kanë ofertuar katër (4) operator ekonomik dhe dy nga pjesëmarrësit, kanë plotësuar ofertën financiare me çmime për të gjitha pozicionet pavarësisht se a janë benzinë ose dizel, ndërsa dy pjesëmarrës tjerë, në pozicione të veçanta, tek oferta financiare nuk kanë ofruar çmim (NA) “çmimi nuk aplikohet”.

Sa i përket konstatimeve të dhëna nga komisioni i vlerësimit, ekspertja shqyrtuese vlerëson se arsyetimi i dhënë për OE ankues në Letrën standarde për tenderuesin e eliminuar se “Komisioni i vlerësimit ka vërejtur se disa OE për këto pozicione kanë dhënë çmime disa

*kanë shkruar se nuk e ka këtë pjesë (NA), pasi kësaj situate Komisioni i vlerësimit ka dal në teren në disa servise që merren me servisimin e automjeteve dhe ka konstatuar se veturat e AK nuk i posedojnë pjesët specifike në:*

*Te tabela një (-I) pozicioni me nr.3,-33,-44*

*Te tabela dy (-II-) pozicioni me nr.10*

*Te tabela tre (-II-) pozicioni me nr.2,-5,-11*

*Andaj komisioni konstaton se oferta e juaj është në kundërshtim me kushtet e dosjes së tenderit.*

**Ekspertja shqyrtuese** vlerëson se ky arsyetim bie ndesh me parimet e prokurimit publik sipas nenit 7 të LPP-së, pastaj bie ndeshme vlerësimin e ofertave sipas nenit 59 të LPP-së, pasi që njësia kërkuuese e autoritetit kontraktues, është dashur që para se ta inicioj këtë aktivitet të prokurimit (para publikimit të njoftimit për kontratë) të hulumtonte për produktet/paramasën që do të prokuroj dhe ta dijë saktë për secilën veturë se cilat pjesë/pozicione nuk i posedojnë dhe çfarë pjesësh do ti nevojiten AK-së për vetura, dhe asesi të veprojnë si në rastin konkret, ashtu siç ka potencuar AK se "**Komisioni i vlerësimit ka dal në teren në disa servise që merren me servisimin e automjeteve dhe ka konstatuar se veturat e AK nuk i posedojnë pjesët specifike**". Përkundrazi, në asnjë mënyrë nuk i lejohet komisionit të vlerësimit që të bëjë ekzaminimin, krahasimin dhe vlerësimin duke konstatuar se disa vetura nuk posedojnë pjesë specifike por është dashtë ta di saktë para njoftimit për kontratë se cilat vetura nuk posedojnë pjesë specifike. Komisioni i vlerësimit dhe zyrtari përgjegjës i prokurimit duhet që ekzaminimin dhe vlerësimin e ofertave ta bëjë konform kërkesave të vendosura në njoftimin për kontratë, dosje të tenderit dhe gjithmonë në bazë të nenit 59 të LPP-së.

Lidhur me pretendimi e OE ankues se këto shkelje të ligjit dhe tentimi për keqpërdorim të parasë publike, OSHP do duhet ta njoftoj dhe KRPP dhe të ndërmerr masa ligjore ndaj zyrtarit përgjegjës të prokurimit siç përcakton nenin 25 par 8 i LPP-së, tutje OE ankues potencon se kontrata është kornizë, ka të bëjë me mirëmbajtje të automjeteve dhe se tek specifikacioni teknik AK ka përcaktuar që pozicionet dhe sasia do të konsumohen varësisht nga kërkesat dhe nevojat e AK-së, por askund nuk ka përcaktuar që OE –të për pozicionet e caktuara të mos



japin çmim. Përkundrazi pjesa C formulari i dorëzimit të tenderit dhe paramasa janë pjesë kryesore të procedurës së prokurimit. Nuk ekziston si pozicion nuk konsumohet kjo çështje është përcaktuar nga vet AK tek Aneksi 1 i DT, tutje OE ankues shton se kemi të bëjmë me kontratë kornizë me çmime për njësi, ku nuk dihet konsumi apo edhe pozicioni por ligjërisht ofertuesit janë obligativ ta plotësojnë çdo pozicion të paramasës dhe parallogarisë meqë ekziston përshkrimi i produktit dhe çmimi për njësi.

**Lidhur me pretendim e ankuesit se askund nuk ka përcaktuar AK-së, që OE- të për pozicionet e caktuara të mos japin çmim, Ekspertja shqyrtuese sqaron** se Autoriteti kontraktues është i obliguar që të specifikoj në detaje dhe të mos lerë hapësirë për interpretime apo vlerësime të ndryshme. Ky obligim ligjor buron nga Rregullorja Nr.001\_2022 për prokurimin publik, neni 17.12, ku potencohet se *“Çdo fjali në dosjen e tenderit do të përpiqet mirë, pasi që dosja e tenderit është material i themelor, në bazë të cilit Operatorët ekonomik do të krijojnë tenderët e tyre. Dosja e tenderit do të përgatitet në mënyrë të tillë, që – si rregull parimor – të mos ketë nevojë për informata sqaruese shitesë.”*

Lidhur me pretendimin e ankuesit se OSHP do duhet ta njoftoj dhe KRPP dhe të ndërmerr masa ligjore ndaj zyrtarit përgjegjës të prokurimit siç përcakton nenin 25 par 8 i LPP-së dhe po ashtu këto shkelje nga ana e AK janë të sanksionuar me nenin 97 të Rregullores për prokurim publik nr. 0001/2023. **Ekspertja shqyrtuese** vlerëson se pretendimi i OE ankues është i qëndrueshëm ashtu siç u dhanë sqarime si më lartë.

Andaj, bazuar në atë që u tha si më lartë, **ekspertja shqyrtuese** propozon që kjo procedurë të prokurimit të anulohet në tërësi pasi që në fazën të cilën gjendet ky aktivitet i prokurimit, nuk mund të ketë trajtim të barabartë për të gjithë operatorët ekonomik konformnenit 7 të LPP-së (për faktin se dy nga operatorët ekonomik kanë ofruar çmimin për të gjitha pozicionet, ndërsa dy të tjerë në pozicione të veçanta nuk kanë ofruar çmim (NA) “çmimi nuk aplikohet”). Po ashtu, vlerësoj që nuk mund të bëhet një vlerësim dhe krahasimi i drejt i ofertave konform nenit 59 të LPP-së, pasi që dy operator kanë dhënë çmime në paramasë për të gjithë artikujt, kurse dy operator tjerë nuk kanë dhënë çmime për të gjithë artikujt. Në një rrethanë të tillë, nuk ekziston një standard i cili mund të trajtonte në mënyrë të barabartë të gjithë operatorët ekonomik pjesëmarrës në këtë aktivitet të prokurimit. Po ashtu, propozoj se ankesa e operatorit ekonomik ankues të aprovohet si e bazuar për arsyet që janë dhanë si më lart, pasi që ky aktivitet i prokurimit do duhet të anulohet për shkak të mos aplikimit të drejtë të dispozitave ligjore të autoritetit kontraktues.

Raporti i ekspertit shqyrtues, lidhur me ankesën e parashtruar nga OE **" SFISHTA AUTO HOME " SH.P.K.**", lidhur me aktivitetin e prokurimit **"Servisimi dhe mirembajtja e automjeteve Peugeot Partner dhe Bipper, veturave Kia Sportage dhe veturave VW Caddy Smart"** me numër të prokurimit: **"vetak-23-8336-2-2-1"**, të iniciuar nga Autoriteti Kontraktues (AK) – **POSTA E KOSOVËS SH.A**

## REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimit për kontratë dhe nëse AK më tutje ka interes, aktivitetin e prokurimit ta ritenderojë.

Raporti i ekspertit shqyrtues, lidhur me ankesën e parashtruar nga OE " " SFISHTA AUTO HOME " SH.P.K.", lidhur me aktivitetin e prokurimit "Servisimi dhe mirembajtja e automjeteve Peugeot Partner dhe Bipper, veturave Kia Sportage dhe veturave VW Caddy Smart" me numër të prokurimit: "vetak-23-8336-2-2-1, të iniciuar nga Autoriteti Kontraktues (AK) – POSTA E KOSOVËS SH.A

Raporti i ekspertizës ti dorëzohet:

- Autoritetit Kontraktues – **POSTA E KOSOVËS SH.A**
- Panelit Shqyrtues – **OSHP**
- OE ankues – **" SFISHTA AUTO HOME " SH.P.K.**

**Majlinda Bedrolli**

